



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-397-8/22**
Datum: **05.10.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „ARMADA” d.o.o. Tuzla, za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta –skladišno proizvodni pogon mliječnih proizvoda i slatkih namaza sa pratećim sadržajima u naselju Simin Han, Grad Tuzla, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu ARMADA” d.o.o. Tuzla, daje se vodna dozvola za ispuštanje tehnoloških otpadnih voda iz poslovnog objekta –skladišno proizvodni pogon mliječnih proizvoda i slatkih namaza sa pratećim sadržajima u naselju Simin Han, Grad Tuzla, na zemljištu označenom kao k.č. broj: 900/9 i 900/10 K.O. Simin Han.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice ARMADA” d.o.o. Tuzla, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku od 1 (jedne) godine od izdavanja ovog rješenja završe radovi na platou gdje se vrši pranje cisterni kojima se dovozi mlijeko tako da se omogući prikupljanje tehnoloških otpadnih voda te njihovo spajanje na postojeći uređaj za tretman.
 - 3.3. Da se u roku od 1 (jedne) godine od izdavanja ovog rješenja izgradi okno za monitoring, iza uređaja za tretman tehnoloških otpadnih voda a prije miješanja sa ostalim vodama sa predmetne lokacije.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa prilogom 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.6. Ukoliko Vlada propiše dodatne (strožije) uvjete od uvjeta definisanih u prilogu 4. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.8. Da se kod pranja koriste sredstva koja su prikladna okolinskim zahtjevima.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se ispuštanje sirutke ne vrši u sistem odvodnje tehnoloških otpadnih voda te da se ista iskoristi za druge namjene ili isporuči trećim licima.
- 3.13. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnih objekata obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „ARMADA“ d.o.o. Tuzla, zahtjevom broj: 139-01/22 od 28.07.2022 godine, zaprimljenim dana 04.08.2022 godine, se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz skladišno proizvodnih pogona mliječnih proizvoda i slatkih namaza sa pratećim sadržajima u naselju Simin Han, Grad Tuzla, na zemljištu označenom kao k.č. broj: 900/9 i 900/10 K.O. Simin Han.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-22-000354 od 15.03.2022. godine, izdatog od strane Općinskog suda u Tuzli-ovjerena kopija,
- Uvjerenje o poreznoj registraciji izdato 03.10.2016.godine od strane Porezne uprave – Kantonalni ured Tuzla-ovjerena kopija,
- Kopija uplatnice administrativne takse,
- Rješenje o odobrenju za građenje broj: 06/6-23-5479-2014 od 17.11.2014 godine izdato od strane Službe za prostorno uređenje i zaštitu okoline, Grad Tuzla,
- Rješenje o odobrenju za građenje broj: 06/3-23-11490/19 MS od 28.01.2020 godine izdato od strane Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu broj: 06/6-19-11067-2020 GJB od 09.06.2020 godine izdato od strane Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu broj: 06/6-23-8267-2016 GJB od 29.12.2016 godine izdato od strane Službe za prostorno uređenje i zaštitu okoline, Grad Tuzla,
- Rješenje o vodnoj dozvoli broj 04/1-11-21-10834/22 od 14.04.2022 godine izdato od strane Ministarstva poljoprivrede, vodoprivrede i šumarstva Tuzlanskog kantona,
- Rješenje o vodnoj dozvoli broj UP-I/25-3-40-220-8/17 od 27.08.2017 godine izdato od strane Agencije za vodno područje rijeke Save, Sarajevo,
- Ugovor o čišćenju separatora i zbrinjavanju opasnog otpada broj: 165-01/21 od 11.01.2021 godine zaključen sa „KEMEKO“ d.o.o. Lukavac,
- Izvještaj rezultata ispitivanja kvaliteta tehnoloških otpadnih voda iz pogona za proizvodnju mliječnih proizvoda, „ARMADA“ d.o.o. Tuzla, urađen od strane „TQM“ d.o.o. Lukavac, oktobar 2019 i 2020 godine i novembar 2021. godine-kopija
- Radni zapisnik i račun za radove čišćenja separatora 02.11.2021 godine od strane „KEMEKO“ d.o.o. Lukavac,

B. Tehnička dokumentacija

- Projekat izvedenog stanja vanjskih instalacija – tretmana otpadnih voda za objekat „ARMADA“ d.o.o. Tuzla, urađen u julu 2017. godine od strane firme „TQM“ d.o.o. Lukavac,
- Projekat prikupljanja, zbrinjavanja i upravljanja otpadnim vodama, knjiga VI, urađen od strane Rudarsko-geološko–građevinskog fakulteta u Tuzli, juli 2014 godine,

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 29.08.2022. konstatovano je da je podnosilac zahtjeva ima dog za plaćanje PVN za zaštitu voda.

Aktom broj: UP-1/21-3-40-397-4/22 od 01.09.2022. godine zatraženo je od podnosioca zahtjeva da dostavi dokaz o izmirenim obavezama plaćanja PVN. Dana 12.09.2022 godine uz akt broj 168-01/22 od

08.09.2022 godine dostavljen je dokaz da je izvršeno plaćanje dugovanja posebne vodne naknade za zaštitu voda.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-397-6/22 od 30.09.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Objekat skladišno-proizvodnog pogona mliječnih proizvoda sa pratećim prostorijama izgrađen je u naselju Simin Han, općina Tuzla, uz magistralnu cestu Tuzla - Bijeljina. Objekat se sastoji od proizvodne hale u kojoj se proizvode mliječne prerađevine, prostora u kome se vrši proizvodnja slatkih namaza, skladišnog prostora sa hladnim komorama, prostora u kome je smještena cisterna za mlijeko te upravnog dijela sa svim pratećim prostorijama.

Prema izjavi podnosioca zahtjeva trenutno se ne vrši proizvodnja slatkih namaza.

Kapacitet proizvodnje je 1000 l prerađenog mlijeka dnevno.

Pranje opreme za mlijeko se vrši ugrađenim CIP sistemom.

Pranje cisterni kojima se dovozi mlijeko se ne vrši na betoniranom platou i iste se ne tretiraju na postojećem uređaju za tretman tehnoloških otpadnih voda.

Po izjavi podnosioca zahtjeva izvršiće se uređenje platoa na način da se otpadne vode prikupe i odvedu na postojeći mastolov –separator kao i da će se izvršiti izgradnja monitoring okna iza uređaja za tretman tehnoloških otpadnih voda.

Otpadne vode iz prostora proizvodne hale prikupljaju se podnim podužnim kanalima sa rešetkama, te putem kanalizacionih cijevi odvođe do mastolova-separatora (ISEATIP MS 2000 DN 160) masti, odakle se odvođe do šahta u koji se dovode i oborinske vode sa platoa te se zajedno odvođe prema obližnjem potoku udaljenom cca 30 m. Na terenu nije izgrađeno okno za monitoring.

Prilikom uviđaja utvrđeno je da mastolov –separator nije očišćen i da je neophodno izvršiti čišćenje istog od strane ovlaštene firme. Čišćenje izvršeno u novembru 2021 godine.

Kao gorivo u kotlovnici se koristi lož ulje koje se skladišti u podzemnom rezervoaru zapremine 1000 l.

Sirutka se ispušta u kanalice u prostoriji gdje se vrši proizvodnja i ista odvodi sa ostalim vodama na mastolov-separator.

Podnosilac zahtjeva redovno vrši monitoring otpadnih voda od strane ovlaštene firme.

Sanitarne-fekalne otpadne vode prikupljaju se u septičkoj jami.

Dovod pitke vode do objekta je riješen priključkom na gradski vodovodni sistem.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u proizvodnim pogonima mliječnih proizvoda i slatkih namaza sa pratećim sadržajima u naselju Simin Han, Grad Tuzla, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, ARMADA" d.o.o. Tuzla, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „ARMADA“ d.o.o. Tuzla, Hajrudina Mešića bb, Simin Han, Tuzla (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- ⊖ Org.jed. 40-arhiva
- Oglasna tabla AVP Sava Sarajevo